

小

學

駢

支

小學駢支卷七錄目

露見釋名鄒字

刁刁埤園埤書

徽章

肥胡幡也

丁甯

鐔亏

雲和

太翼

牽牛為河鼓

天棓天槍五色彗星

若菌

甲蟲之先曰介潭

九河胡蘇晉廬江尋陽

翠微屈屣崔嵬

譽商

韎韐異石碧者唐人

謂之瑟瑟

詩瞻彼洛矣傳箋疏

龜字形音

小學駢支卷七

秦州

田寶臣

少泉

九之十一露見盾也釋名釋兵第二十三約脇而鄒者曰陷虜言可以陷破虜敵也今謂之曰露見是也

按鄒即騶字孟子鄒人史記作騶又封禪書索隱騶縣本邾國魯穆公改作鄒左傳哀公十七年傳齊顏涿聚說苑正諫作燭趙晏子春秋作燭鄒此約脇而鄒者蓋騶也亦即趙也曲禮車驅而騶孔疏謂驅車

而進則騶是進義釋文仕救反又七須反徐仕邁反仕
救則與驟同七須則與趨同鄒也騶也趨也驟也統言
之則走也

九之十二刀斗警器也 史記李將軍列傳不擊刀斗以自衛
集解孟康曰以銅作鑊器受一斗晝炊飯食夜擊持行
名曰刀斗索隱刁音貂樓荀悅云刁斗小鈴如宮中傳夜
鈴也蘇林曰形如鎗以銅作之無緣受一斗故云刁斗鎗即
鈴也埤倉云鑊溫器有柄斗似鉞無緣音譙

按漢書李廣傳作刁斗孟康注同索隱宮中傳夜鈴
本之荀悅蘇林亦云鈴也方言疏證引作傳夜鐃又引說
文鐃鉦也鉦皿器也與索隱引埤蒼鐃溫器義合然荀
悅作鈴說文鐃鈴鉦鐃鐃鐃鐃鐘為類許以鈴為令丁
晉語注以令丁為鉦周禮注謂鉦如小鐘廣韻亦以鈴似鐘
而小則傳夜以聲當用鈴不用鐃也說文鐃下云鉦也古者
田器詩曰序乃鐃鐃是鐃之為鉦本為田器唯鉦下則云溫
器也一曰田器是鉦有皿田兩義鐃則專為田器許義截

畫不可清也。然則作鈴者是非錢者殆是誤本。王伯厚漢制

考引袁宏漢舊儀

袁宏當作衛宏王誤

戶外鼓五止。宮中衛官城門擊

刁斗傳五夜。則傳夜之器名刁斗亦名鈴也。方言無升謂之刁斗。注家謂無升或無緣之禍。上當有銚字。此不得無升之義。而欲牽附蘇林說以立一義者。小學家震其名高遂各相承用之。亦啟輕改古書之漸也。今按漢書律歷志量者龠合。一升斗斛。十升為斗。十斗為斛。其法用銅方尺而圓其外。其上為斛。其下為斗。上三下二。孟康謂覆斛

之底受一斗也是說斛制自斛而例之則斗之制亦如此其上
為斗其下為升升亦覆斗之底刃斷之則無升故云無升謂
之刁斗耳漢制五量用銅斛則聲中黃鐘覆斛亦中黃
鐘之宮蓋量與音準則軍中之用刁斗自以音量為主義
志之所言者律軍之所用者亦律也不識孟康何以有炊飯
一斛注家又有溫器三足有柄之說或魏又變其制與漢制
自有炊器自奴傳下多齋脯餽餽薪炭唯漢志不言斗制則史法
師古曰誦古金字也鍾之大口者也
應省漢制五量同器今知斗有單制者莊子云折衡剖

斗不云斛則古之斗有單制知斗下為升者則方言無升一

語寔為左證斛下為斗左右兩耳為升為合龠此斗既與升

連左右當有合龠兩耳似不容有柄有柄之斗在說文木部字作

杓

孫愐音之康切張守節史記正義陸德明行章釋文皆音斗今入有韻

是挹酌之器經典亦借作斗

與量器異斗部斗下云十升也象形有柄者有柄二字是魁

篆下文錯置於此十升之斗無柄魁則羹斗有柄與上幹象虫

柄也相承也乃斗據蘇林說形如鍬說文鍬次於鍤鍤斗鍬

小盆也師古謂鍬即鈹鈹鍤鍤與上鈹鉞下鉞鈹共二

十五簋為類皆烹飪食飲之器初無關於軍樂也大氏刀
斗無升是聲器故名鈇鈴即丁令形似小鐘錐斗有柄別
是盟器盟則有足志又云孝武時樂官考正李廣值考
正之初方言作於莽世正元始中劉歆典領聲樂時則刀
斗之制當以方言為最真矣實為此說雖似創解然因方
言得漢志所未言因漢志得方言之真義資證於荀悅蘇
林許氏三家似非無稽漢書注孟康云今在滎陽庫中
年垂四百地值兵衝官庫中物盜換非真疑不據也

索隱申蘇林說以銷即鈴亦是不涉揚許兩書未察苟
悅之注銷為小盆即不得謂之鈴矣至師古謂銷即鈹鈹
是盟器銷自別為小盆此亦未可深信也大氏銷為盆之通
稱曹孟德上獻帝表云臣祖騰有順帝賜器今上西不銅
銷四枚五石銅銷一枚云此盛受則亦非然許蓋言其小者耳
表又云御物有純銀粉鈹一枚鈹與銷別言之則二器宜
殊別斷義見廣雅釋詁方言作刀晉書張天錫傳短尾
為刀是刀亦斷也附圖六

仰斛圖一



覆斗圖四



覆斛圖二



刁斗圖五




仰斗圖二



荀悅云刁斗小鈴廣韻有
鈴似鐘而小此是聲器
方言所謂無升謂之
刁斗作此狀也

鑊斗
圖六

墨重
者是
緣



鑊斗三是有柄別是盥器埤蒼云有柄斗此
非刁斗

刁斗自是無升之斗鑊斗據宣和殿本尚有二圖皆似鼎鬲
有者一短柄與此作長柄者制異要皆不便持擊寔非
聲器刁斗之倫也

昨承到一件云無緣之衣謂之袷袷無緣之斗謂之刁斗是
釋斗短之義此即用方言疏證而不覺其誤者說文緣衣
純也深衣法純一謂緣之也既夕禮法飾衣領袷口曰純
是衣之緣不在下之邊裔故論語注曰飾領緣又緣是
衣飾即無緣亦不短屈也刁斗蘇林謂形如鍬無緣
者亦謂其上口無緣蓋鍬之口有緣刁斗之口無緣亦不
謂其下短屈也此條似可不采又承問鹿耳有無辨別
按說文斛下云斛有有斛从斗成聲徐楚金云漢書

量其旁有一斛注耳也。周禮耳三寸實一升。此寔楚金之誤。律歷志斛旁有朧注。鄭氏曰朧音條桑之條。朧過也。算方一尺所受一斛過九釐五豪。然後成斛。師古曰朧不滿也。漢書注如此。皆不見有耳也。之訓。周禮與氏自有耳名。漢志之朧則在斛內。兩不相涉也。段注斛旁有一斛。謂斛中有寬於方尺之處。引劉徽九章算術注證之。甚精。文不具錄。今按廣雅斛穿也。與鑿空同訓。又一逸言。朧過也。凡矩以為方。有鑿空一毫處。則逸其矩而為數。

必贏此甬過之義師古謂不滿者宜亦謂甬處有缺陷耳
漢志之甬即晉志之減甬甬在說文作斛量溢也蓋斛
方一尺容十升必溢故其甬有斛處寬九釐五豪然後
成一斛之數漢志既言甬有甬焉又言左右兩耳則甬耳
殊地至聶氏三禮圖直以甬為量耳其誤正與楚金同
唯漢志上三下二則上豐於下而殺其要故云似甬劉徽謂
斛深一尺斗深一寸則與上三下二之制異升居斛亦合甬
在斛耳上與左升右甬之制又殊蓋徽以晉人說晉制又不

能遠擬漢量也。又徽注九章。據晉一志。則在魏陳留王景
元四年。謂魏斛大而尺長。王莽斛小而尺短。此引作晉父其
云。晉武庫中所作銅斛。則秦始皇十年用荀勗尺。勗謂後
漢至魏。尺長於古四分有餘。乃依周禮制尺。汲郡人盜發
魏襄王冢。得古周時玉律。與新律聲韻闇合。時郡
國或得漢時故鍾。吹律命之。皆應。據晉志所云。則勗尺
與漢尺應斛之盛。受宜無不同。尺寸不合。則斛制之體不
同。故漢志之疵。則為鑿空。或近底。或在上。竊此未能詳。

晉志之滅有宜自上罷至底盖一楚八豪滅於漢志龐數其
龐宜長而淺斯亦以肌揣之惜無以證也月日謹覆

九之十三徽章旗也 國策齊策秦假道韓魏以攻齊齊
威王使章子將而應之與秦交和而舍使者數相往來章
子為變其徽章以雜秦軍高氏注徽幟名也傳曰揚
徽者公徒也通白曰章幅變易使與秦旗章同欲以
龍衣秦

按詩六月織文鳥章箋織徽織也鳥章鳥隼之文章

將帥以下衣皆著焉釋文織音志疏云言徽織者以其
在軍為徽號之織史記漢書謂之旗幟與織字雖
異音寔同也此織文鳥章以絳為緣畫為鳥集又絳
為旒書名於末以為徽織今按徽織用有不同孔引司常
掌九旗之物名各有屬注云物名者所畫異物則異名也
屬謂徽織也大傳謂徽號今城門僕射所被及亭長著
絳衣皆其舊象此與鄭箋衣著合是綴於身者又引
司常皆畫其象焉官府各象其事州里各象其名家各象

其號注云事名號織所以題別衆官樹之於位朝者各就焉
觀禮曰公侯伯子男皆就其旂而立此則樹於朝者齊策
所云蓋綴於身知者賈釋司常注今大閱禮象而爲之
句云此在軍之旌綴於身大小衆銘旌及在朝者爲之是
在軍則綴於身故得變若秦軍以雜其間小檄織之制蓋
長三尺司常注云或謂之事或謂之名或謂之號三者皆
旌旗之細士喪禮曰爲銘各以其物亡則緇長半幅頽末
長終幅廣二寸書名於末賈釋云以緇緇長半幅長一尺也

楨末以赤繒為之長二尺廣三寸書死者名於廣三寸之上賈

士喪禮疏云經直云長半幅不言廣則亦三寸是以前通經言云此云長二尺廣三寸書死者名於廣三寸之上則似廣三寸專指楨末恐彼疏為優

此在朝表朝位其銘旌制亦如此禮緯云天子旌高九尺諸侯

七尺大夫五尺士三尺士喪禮竹杠長三尺則死者以尺易

力天子九尺諸侯七尺大夫五尺士三尺亦以尺易力也若然

在朝及在軍綴之於身亦如此注又云徽綴之書則云某某

之事某某之名某某之號兵凶事若死事者亦當以相別也

賈釋云某某之事者官府天官在軍當云太宰之下某甲之事

地官之下當云大司徒之下某甲之事餘四官皆然某某之名
者此據州里而言假令六卿之下則言某卿之下某甲之名若
六遂之下當云某遂之下某甲之名也云某某之號者此據都
家之內假令三百里大夫家之下當云某家之下某甲之號
此三者則偏其畿內矣詳觀賈語則徽纖之末書事書名
書號自周制也唯賈云天子諸侯大夫尺數不同孔則無此差
別云皆著於衣理不宜長以無長短之制故引士喪禮長半
幅以證之士喪注云半幅一尺終幅二尺除去降直是銘


三尺也。故士喪禮竹杖長三尺。置于宇西階上。鄭云此蓋其制以死之銘旌。即生之徽。織鄭引士喪禮以證自王以下旌旂雖有等差。其徽制宜同。長三尺以同著於衣。不宜差。降是異賈也。孔又引夏官大司馬帥以門名注。謂軍將至伍長。是將帥以下自伍長以上。不見士卒。其有無頭蓋亦各有之。按昭公二十一年左傳。揚徽者公徒也。衆從之注。謂國人皆揚徽。以公徒三萬證之。則士卒有徽。齊策所云亦士卒矣。徽在說文中。部誠也。以絳帛徽著於背。版刻書。

籍多作徽蓋段借字許於箸背下云若今救火衣合之鄭
孔賈皆謂以三尺繒為之綴於衣不用杖孔引竹杖意證三
尺亦樹於朝則有杖也揚徽謂翹舉其徽事當以手許
於救火衣下引左傳揚徽段辨之謂揚則旌旗而非箸
背者是未達許指也若淮陰易幟則是旌旗顏注極

當周禮肆師表盛盛注故書表為剽剽表皆為徽織也賈疏
云於六盛之上皆為徽織小旌書其素後之名此又別用

九之十四肥胡幡也國語吳語建肥胡注肥胡幡也文選吳
都賦坐組甲建祀姑劉淵林注祀姑幡名麾旗之屬也國語

曰吳王夫差出軍與晉爭長昏乃戒夜中令服兵擐甲陳
士卒官帥擁鐸建祀姑此吳軍容之舊制也

按肥胡當與甘泉賦洪頤同義胡牛頤之下垂者肥肉多也
周禮節服氏六人維王之太常凡旗之維者受風則弮環而
鼓無風則牛胡而垂洪頤是受風古文頤作象之肥
胡是無風牛胡之下垂者象之皆旌旗之大者或於衣
部襜篆法以肥胡當襜胡謂下垂之胡為旗之繆此未然
也襜識之襜諸書多从巾作幡說文巾部幡書兒拭舡布

也。从巾番聲。觚猶今粉版。

此亦段說觚與粉版究是有異

拭觚之布謂之幡。

亦謂之帑。蓋是中類此肥胡之幡。當用衣部之幡。不从巾也。

九之十六丁宜鉦也。

國語晉語戰以錡于丁宜。傲其民也。

注丁宜謂鉦也。

按晉語戰以錡于丁宜。注丁宜謂鉦也。宣公四年左傳著於丁宜。注鉦也。疏周禮以金鑄節鼓。鄭元云鑄鉦也。形如小鐘。軍行鳴之以為鼓節。是鑄即丁宜。故先儒皆以鑄為

鉦之別名。丁寧卽是鉦也。說文獨鉦也。鈴令丁也。段云令平聲。今丁疊韻字。晉語十一注。丁寧令。丁謂鉦也。吳語九注。丁寧令。丁謂鉦也。今國語皆奪令。丁字而存於舊音。補音廣韻曰鈴似鐘而小。然則獨鈴一物也。古謂之丁寧。漢謂之令。又鉦饒也。佢鈴柄中上下通段云。鉦似鈴而異於鈴者。獨鈴似鐘有柄。爲之舌以有聲。鉦則無舌。柄中者。柄半在上半在下。稍稍寬其孔。爲之抵拒。執柄搖之。使與體相擊。爲聲。蓋周禮鼓以金。獨節鼓以金。饒止鼓。鄭謂獨爲鉦。饒自爲饒。

不爲鉦許則謂鐃爲鉦者一物鉦爲鐃者又一物設謂鐃有
舌以爲聲是補鄭注所未言謂鉦則無舌而執柄以爲聲
者是用鄭注鐃如鈴無舌有秉執而鳴之也鐃云無舌知
鐃固有舌矣

九之十鐃于金鐃也 吳語昧明王乃秉枹親就鳴鍾鼓
丁寔鐃于振鐃周禮地官鼓人以金鐃和鼓注鐃鐃于也
圜如碓頭大上小下樂作鳴之與鼓相和

按禮圖卷七金鐃有提梁繪架縣之注同鼓人又序目

注云金罇即罇于也唐音樂志罇于園如碓頭大上下縣

以龍牀花

疑當作芒字之誤

筒將之

亦疑將之字誤

以和鼓沈約宋書曰今

人間時有之則宋書北庭廟所用也廣漢什邡縣人段祚

以罇于獻始興王鑑其器高三尺六寸六分圍二尺四寸圓如

簫銅色黑如漆甚薄上有銅馬後周平蜀得之解斯

徵觀曰此罇于也依于寶周禮注試之如其言也舊圖有

架惟無辟玉璫五采羽飾與上為異又按鄭注鼓八罇罇于

也樂作鳴之與鼓相和疏云罇于之名出于漢之大予樂

官竝云其形如碓頭大亦下竝出彼文而知之樂作鳴之與鼓相和此鄭以意解之按下文金鐃鐃皆大司馬在軍所用

有文此金鐃不見在軍所用明作樂之時與鼓相和故云和鼓也實謂賈氏此說亦依鄭為義六鼓四金以節聲樂以和軍旅則作樂與治軍皆用四金晉語戰以鐃于丁寔此吳語王乃親鳴丁寔鐃于斯軍樂之證鐃于已再見國語其名亦非出於大予樂官又淮南子兵略訓兩軍相望鼓鐃相當注鐃于大鐘也是亦軍樂然在漢時言不證

夏官其說鑄于之形亦異

九之十九雲和小箏也通考百三十五樂十雲和琵琶如箏用十二弦施柱彈之足黃鐘一均而倍六聲其首爲雲象因以名之非周官雲和琴瑟之制也

按馬氏此語亦微有未察大司樂注先鄭謂雲和地名後鄭謂雲和山名李善東京賦注雲和山名出美木用爲瑟其聲清亮此此自言材不以制言雲和以名琵琶當亦用美木故龍采古名首爲雲象特爲此以著其異耳

十之十太囂太白也 廣雅釋天太白謂之長庚或謂之大囂
疏證開元占經太白占篇引石氏云太白一名大囂天官書
云太白出東方庫近日曰明星高遠日曰大囂各本大囂作
太囂因上文太白而誤

按廣雅疏證據占經引天官書則上文當作下文蓋此云明
星柔大囂剛下又云太白柔大相剛太白字正在下文也

十之十二牽牛為河鼓 爾雅釋天何鼓謂之牽牛注今
荆楚人呼牽牛星為檐鼓檐者荷也釋文何郭胡可反

又胡多反。一作河漢書天文志第六牽牛為犧牲其北河鼓

按釋天牽牛有二星紀斗牽牛也逸周書周月解云日月俱起於牽牛之初右同而行廿氏星經人作此象云牽牛六星主關梁主大路中主牛律書云牽牛者言陽氣牽引萬物出之也天官書牽牛為犧牲月令旦牽牛中昏牽牛中皆此星也又河鼓謂之牽牛郭注今荆楚人呼牽牛星為檐鼓檐者何也據天官書云牽牛其北河鼓

甘氏星經河鼓作此象云河鼓三星中星為大將軍左星為左將軍右星為右將軍星直為羽林幹能曲即凶為失計奪勢左右旗各九星並在牛北枕河主軍鼓是別一牽牛本名河鼓河鼓之名正以其枕河主軍鼓字宜从水作河郭氏作从人之何或刻而以荆楚俗為證近人復以農謬之扁擔星證之恐不為然阮氏按勘記以何為郭氏私定斯篤論也然星經既以直為吉則不宜作凶曲象此亦傳刊之失詩疏引孫叔然云河鼓之旗十二星在

牽牛之北或名爲河鼓亦名爲牽牛此語自晰蓋河鼓爲
主旗爲輔翼之星故河鼓直爲指目旗必與河鼓相繫
而言者或以主星相誣猶某郡之縣或亦但云某郡云亦名
爲牽牛者以星在牽牛北人但目之爲牽牛也正義必以爲
誤語亦近苛惟大東詩牽牛以服箱言疑亦謂星紀之
牽牛所謂角上岐主牛者河鼓牽牛自是將星與牛不
涉毛公用之未能知其主義耳又牽牛北宮星其北爲河鼓
索隱引孫炎亦云河鼓之旗主星與大東疏合所謂河

鼓之旗各九星者星經亦屬河鼓而天官書東宮房為府
下云東北曲十二星曰旗正義云兩旗者左旗九星在河鼓左
右旗九星在河鼓右皆天之鼓旗是太史公以旗屬房
星不屬河鼓而張守節以河鼓言所說星數又與史
公不合且史公不言左右而守節分言而晉書天文志又
云河鼓左旗九星在鼓左旁不言有右旗是皆可疑大
東疏引李巡云何鼓牽牛皆二十八宿名亦據史記天官
書耳而孔氏疑之爾雅正義駁云正義引天官書不云房

與牽牛有別。剪截上文直奪史義亦未深思矣。

十二十四天棹天槍天猾天衝國皇及登天荆真若蒼彗也。又
昭旦黃九旗昭明司危天欖天陰晉若官張天雀赤若赤彗
也。又五殘獄漢大賁昭星絀流旬始擊咎天翟天沸黃彗也。
又天杵天柎伏靈大敗司姦天狗天殘卒起竹彗白彗也。又
枉矢破女拂樞滅寶繞紕驚恐天蒿端下天林黑彗也。
按晉志先列妖星自彗星至地維藏光共二十一名。次引河
圖五星之精流散而為妖者。言歲星之精流而為某某之星。

至蒼彗山熒惑散而為某某之星至赤彗山填星太白辰星
散而為某某之星至黃彗山白彗黑彗山是蒼赤五色之彗
與天棓天槍蚩尤之旗昭明諸星竝列非謂天棓天槍諸星
總名為蒼彗蚩尤之旗昭明諸星總名為赤彗也蓋天棓
天槍蚩尤之旗昭明天衝國皇司危天欖五殘獄漢句始
前於二十一名已與彗星竝列其於昭明下云一曰赤彗分為
昭明於五殘下云或曰蒼彗散為五殘於六賊下云或曰
形如彗於句始下云又曰黃彗分為句始則史家固以五色

之彗與諸星各析言之。唯妖星名目繁多。據河圖所載已與二十一名不盡合。唯各舉一彗以賅其餘。故又統之曰五色之彗。各有應象耳。今鬱儀於河圖原文各增一也字。則總訓之失其旨矣。又史於河圖之後別引京房風角書三十五星各言五星所出。不言彗也。鬱儀竝歸入河圖總以彗訓。又若有所去取於其間。則更不詳其著書之旨矣。

十二之五人之先曰若茵淮南子墜形訓突生海人海人生

若菌若菌生聖人聖人生庠人凡突者生於庠人注突人之
先人菌讀羣下之羣

按突莊達吉刻淮南作突从宀下友云此字藏本作容恐
非是故从各本仍作突又叢書本注不備而宀友音演
菌則音郡疑非高氏原注

十二子五甲蟲之先曰介潭淮南子墜形訓介潭生先龍
先龍生元龜元龜生靈龜靈龜生庶龜凡介者生於
庶龜注介國也魚之先潭讀譚國之譚

按魚非甲蟲魚之先當是龜之先明汪一鸞刻淮南子
不及莊本之備然此注正作龜字與正文甲蟲應也

十一之三之四九河胡蘇爾雅釋水胡蘇注東莞縣今有胡
蘇亭其義未詳疏案胡蘇在東光注在東莞莞當作光
字之誤也釋文李云其水下流故曰胡蘇胡下蘇流也孫云
水流多散胡蘇然也

按胡蘇之義以李巡下流之說為優孫說亦古近又撰胡蘇
衍義說胡蘇居九河之中徒駭最北鉤盤最南惠本

漢成帝
心

許商至為詳確視邢疏尤盡唯說九河分布派流胡蘇
然舉其中者象形名之得包其九也又說胡蘇取扶疏
胡蘇之命名令居九河之中餘河則四布於外故象分布
派流之形也又謂孫炎唯指一河而不知象九河之流猶皮
傳也大指是欲舉孫說而勝之然證之經疏寔不為然禹
貢孔疏云徒駭是河之本道東出分為八枝與漢書叙傳
自茲距漢北八枝語合則八河皆徒駭分枝言扶疏然
者當在徒駭第一而不在胡蘇第五也竊謂九河齊

桓時已亡其八孫炎尚非目睹當日河名遠自虞夏安知胡蘇之必以扶疏也然叔然云胡蘇水流多散或其下流復有支派猶未甚害若云象九河之形則理在難明矣又許商說九河自北而南澄之爾雅次第俱合則八河皆在徒駭本道之南班掾言北亦有可疑也增按一事晉陶潛爲侃曾孫史有明文近人或云潛與侃址貫不同特辨其不爲侃系云侃廬江郡尋陽人潛尋陽郡柴桑人今按晉志尋陽屬廬江郡永興元年分廬江之尋

陽武昌之柴桑二縣置尋陽郡則尋陽之為郡自惠帝始也
侃生平吳之前自鄱陽徙家時尋陽正屬廬江潛生
東晉哀帝時柴桑正屬尋陽後安帝義熙八年省
尋陽入柴桑則尋陽柴桑是一地而建置稍殊耳二說
皆見屠刻困學紀聞於經史有違故論之也

十一之十二近上有波曰翠微爾雅釋山山嶽周未及上曰翠微
注近上有波 萃者厯屢同上山頂冢萃者厯屢垂危二
音石戴土曰崔嵬又同上石戴土謂之崔嵬土戴石為祖

按邢疏謂未及頂上在旁陂陀之處名翠微一說山氣青縹
色故曰翠微也邵氏正義謂輕縹解出初學記引舊注又
劉逵蜀都賦注翠微山氣之輕縹也字皆作輕按作青
者勝然翠微以邢疏初說為主蓋山峯頂為厓厓未及上
則為翠微翠微是陂陀故前節云山厓厓厓是巔末故
次節云山頂厓之在旁者未上峯未上脊則境遠而景緩翠微
之音亦與之而俱緩頂之舉出者則高逾頂高逾頂則境
逼而景危厓厓厓之音亦與之而俱危目之所至音亦隨之

翠微厓屨意變而聲轉也翠微之轉又作崔嵬故卷耳
言陟傳謂土戴石為崔嵬蓋直言露石之山有亦陂陲故
次章言岡亦由下及上初無顛上之訓也孔疏又以崔嵬為
顛上者意主谷風毛傳云崔嵬山顛也而不悟毛於此詩特
著土石之文不以此為崔嵬顛訓也抑又牽於小雅二處鄭於
漸漸之石云卒者崔嵬山顛之末也十月之交云卒者崔嵬
山頂崔嵬者是二說皆以崔嵬為顛頂然不與卷耳相關也論
形則顛卒之義作厓屨毛之谷風傳鄭之十月之交漸漸

之石爰皆作崔嵬略不別者亦以音義為通也。厓屨崔嵬
音義既是相通必知卷耳之崔嵬為翠微不為厓屨者
以詩言我馬下又云岡釋山厓屨郭注謂峯頭巉屨說文
亦云峯危高也經文上言山頂冢則峯者厓屨又其險峻愈
非馬之可登是崔嵬不得以厓屨立義自當以翠微為聲
也夫古人名物以聲音為主聲音以雙疊為形雙疊之轉微
分輕重即名物之狀與為推移翠微之與厓屨厓屨之與
崔嵬隨聲異形是亦天成之理自然之音也爾雅以二

節析言，蓋目之則翠微涉之，則崔嵬可目而不可涉者，則厖
厖也。崔嵬不與翠微厖厖者，足之所登又別有土石之異，須
別言。毛鄭直以音為主，故讀傳箋須與爾雅融會而貫通之也。
十一之圭，譽商小塊也。說文解字第十四，譽商小塊也。譽，去衍切。
按說文小塊也，段刻尚有从自从史，與古文黃字九字大徐作
从自从史，小徐作从史，自。說文以大徐為是，段蓋補之。段云此
蓋古語，塊俗幽字，黃見艸部，艸器也。謂一黃之土而已。此語亦不甚
慄。艸器自是黃字一解，此云一黃之土而已，當據禮運

黃桴注鄭云黃為出埴也不得次州器語而連言之與
商語不可解許既从黃生義鄭注黃桴謂搏土為桴則此
塊者即古之桴黃歟云商者曲禮葦菴魚曰商祭注商猶
量也疏謂量度燥溼得中而用之文選吳趨行注引許
慎淮南子注曰商權麗略也言商度其麗略也以此觀之則
桴者商小塊之名義可思已

十一之字韎韐異石也通雅四十八金石類韎韐木難鴉鵲
睛皆寶石也碧者唐人謂之瑟瑟紅者宋人謂之韎

鞞升庵謂鞞鞞即肅慎地產寶石而正楊幾之智謂鞞
鞞乃紅韋色以其聲名其國寶石之紅鞞鞞言其色耳
唐大中時貢十二玉有紅鞞鞞。莫撥胡萬二切

按瑟瑟連疊始於釋名言瑟瑟者瑟瑟然也此言瑟瑟以瑟瑟為
美玉形似玉言者說文在玉部作璚云玉英華相帶如瑟瑟
然也璚詩早麓經文亦作瑟瑟傳潔鮮貌通雅以瑟瑟為
碧石則亦以英華相帶色潔鮮也瑟瑟字畧章數見不
足徵引惟通典說瑟瑟產波斯吐蕃章飾有五等一

謂瑟瑟則其實貴可知又杜子美石筍行箋者引廣雅
瑟瑟碧珠也今叢書本無之此皆唐人事方氏謂鞞鞞
乃紅韋色以其聲者此見待贍彼洛陽傳鞞鞞者茅
蒐染革也一曰鞞鞞所以代鞞也箋鞞鞞者茅蒐染也
茅蒐鞞鞞聲也鞞鞞祭服之鞞合韋為之孔疏鞞鞞
者衣服之名頭者赤貌爾雅云一染謂之緇再染謂之
纁三染謂之纁此曰鞞鞞即一入曰鞞鞞是緇也定本
云一入曰鞞鞞是以他服謂之鞞祭服則謂之鞞鞞

疏又云傳言靺鞨茅蒐染故解之云茅蒐靺鞨聲也古人之道茅蒐其聲如靺鞨故名此衣為靺鞨也士冠禮注云靺鞨者緼紱而黝玼合韋為之士染以茅蒐因以名焉今齊人名茜為靺鞨又引駁異義云靺鞨草名齊魯之間言靺鞨聲如茅蒐字當作靺陳留人謂之舊是古人謂舊為茅蒐讀茅蒐其聲為靺鞨故云茅蒐靺鞨聲也此浮山之所本蓋古以茅蒐染韋名靺鞨後又以靺鞨狀石之紅廣雅緌謂之緌紅即一染之色蓋緌之淺

者耳。𨮒鞫即𨮒鞫字異而義同也。又按此條許鄭異義。交
長之意。單以𨮒字為聲。故韋部𨮒自為染。韋市部鞫
自為給之重文。爵弁服其色𨮒。左傳成公十六年疏引賈
逵云。一染曰𨮒。韋昭云。急評茅蒐成𨮒。皆承許說。與詩
箋𨮒鞫為聲之說。故自不同。鄭君之意。謂茅蒐與𨮒鞫
二字聲近。𨮒鞫之衣本自茅蒐所染。茅蒐之草亦即以
𨮒鞫為聲。形聲之際互相為宮。故其箋云。𨮒鞫者茅蒐
染也。茅蒐𨮒鞫聲也。孔疏亦即遵循此旨以相發明。

而近日巫山令單刻毛詩傳遽改染草也為染韋二字。芟
鄭箋兩韋字以為各本訛舛不可讀刊削毛鄭以專主許
義亦未前聞。唯正義引定本謂傳作一入曰韋韋如有入
字則傳又當以韋字句絕韋所以代韋也別為句上文
當以韋韋者茅蒐句絕染草也特申言草是毛公作傳
心在一二之地神存名實之間鄭君所云得其上言之與
許書所說又其下語之精異若肥泉寔源同宿海矣而
孔疏云一入曰韋韋字宜芟云傳言韋韋茅蒐染是

牽於鄭箋未分毛句染草二字實是本周官也又釋文韎
音昧韎音間鬼字諸經皆色留反色留與韎寔難為聲
若準釋草蘼懷羊釋木瓠木苻婁兩从鬼字恐音胡
罪反抑音回蓋鬼从卹鬼人所歸茅鬼人血所生鬼
切居偉鬼反胡罪或亦音回疑若似也釋草云茹蘼
茅鬼是一為疊韻一為雙聲茅之音轉則韎鬼之音轉
則韎故茅鬼與韎韎為聲即單言韎亦得為茅
鬼之合聲此雖臆測要亦遵暢韋昭潛思鄭讀也

許於蒐下云从艸鬼疑奪聲字蒐音色留者據穀梁
桓四年傳釋文蒐糜氏本又作搜祭義而弟達乎搜狩
矣釋文搜本亦作廋文選辨亡論蒐三王之樂法蒐與
搜古字通魏大饗碑周成岐陽之搜搜在說文大部作
搜云南越名犬搜搜此不云獵而扁韻皆以搜為秋獵則
與大饗碑字同義合之祭義亦同凡此皆从叟从叟則色
留切形聲義三者皆安已他若釋木某檄醜某今各本注
云菜莢子聚生成房貌唯釋文菜字音義下有莢字所留

反萁下有菜字音殊此萁菜二字殆是經注脫落當云菜
萁菜菜萁子聚成房貌蓋菜醜少實一裹之內纔有
一實語見椒聊傳疏而內則疏引賀氏語古用菜萁動
輒盈升實少用宏故萁其菜意雙聲取義古之通
語然也然則菟之為搜或亦即萁萁以形近變而為菟
與第艸鬼之形色留之音徧經典皆然無能異也

高貢渠搜穆天子傳尚作
巨萁是為一證

小學駢支卷八錄目

柴荳樛苳

冰臺

軒弓

枌閭蒲葵

瘞棲慮李

守宮槐也

蒲錯檮雞

寒蟬蛩也

蟬蛩

鳳車大蜚蝶

蚰蜍蟻行

蜚蜚號雖蛤元頭領

形音之辨

蠅爾龜蚰夫龜

螺螄

文貝

螳螂
螳螂

鼃鼃

鵲鵲

鵲鵲

鵲雀

鵲鵲

鵲鵲
毛詩傳沉茲也

鬼車

郭糲

穆天子傳詩字

皮樹

活禱地

小學駢支卷八

泰州 田寶臣 少泉

十二之十六菜苜車前也 詩菜苜釋文苜本亦作苜音以
菜苜馬芻也又名車前爾雅釋草菜苜馬芻馬芻車
前注今車前草毛詩草木鳥獸 蟲魚疏采采菜苜
菜苜一名當道喜在牛跡中生故曰車前當道也今藥中
車前子是也

又十三之二桴苢小果也 逸周書王會解康民以桴苢桴

苾者其實如李食之宜于注康亦西戎別名也食稭苾即有身。王本作康人洪本稭作稭鬱儀稭稭兩用此作稭下稭苾又作稭別異文也字以二音

按苾苾稭苾駢雅分草木二種蓋據詩與周書詩毛傳苾苾馬舄馬舄車前也宜懷妊孔疏王肅引周書王會云苾苾如李出於西戎王基駁云王會所記雜物奇獸皆四夷遠國各廣土地異物以為貢贄非周南婦女所得采是苾苾為馬舄之草非西戎之水也則似二種然說

文苒苒一名馬舄其實如李令人宜于从艸呂聲周
書所說字作艸部之苒則似一種注家以周書正文未
嘗言桴改為木為苒佐證此又不然草木二類儘有性味
同名品同而生植不同者爾雅莖著莖豬分隸釋艸釋木
以正義言之則一物也又如通脫在江南則為草在零陵且貫
以為樹亦一物而有草木二形故周南之苒苒是草周書之桴
苒是木亦無傷也唯許據中國所生者言云故云亦名馬舄而
西戎所產則實大如李故云周書所說苒在艸部而木部無

桴苢者。彼桴是棟名。意以桴苢字當作茅苢耳。其義自明。
十二之五冰臺艾也。爾雅釋草艾冰臺注今艾蒿。

按埤雅引博物志曰。削冰令圓。舉以向日。以艾承其影。則得
火。艾曰冰臺。其以此乎。農師此言足補雅注。又采葛毛傳
艾所以療疾。孟子趙岐注艾可以為人灸病。釋詁云又治也。
艾養也。艾之名艾。其以此歟。

十三之五軒于藟也。文選子虛賦菴間軒于注張揖曰軒于
藟草也。

按後漢書馬融傳單名于。注云于一名蕒生於水中。此于蕒雙聲也。軒于蕒在爾雅作蕒蔓于。郭注多生水中。一名軒于。江東呼蕒蕒。郭音由。又音酉。說文蕒水邊草也。錯繫傳云似細蘆蔓生水上。隨水高下。汎汎然也。

十三之七。梓間蒲葵樓也。玉篇中木部。欄樓欄亦曰梓欄也。梓俾名切。玉篇中木部。樓徂東切。樓欄也。一名蒲葵。

按說文梓梓欄樓也。从木梓聲。段云各本奪樓字。今依韻會本補。廣雅劉逵引異物志。皆曰梓欄樓也。上林甘泉賦。

字作并問。南都吳都字作并欄。許書有并無欄。欄因
并之木旁而同之耳。府盈切。又機并欄也。从木愛聲。可
作草。段云。互訓也。蜀都賦。機材楔樅。四木名也。艸部草
雨衣一名衰衣。按可作草之文。不系於并下。而系機下者。
此樹有葉無枝。其皮曰機。可為衰。故不系於并下也。機本
皮名。因以為樹名。故并問得互訓也。張揖注上林賦曰。并問
機也。皮可以為索。今之機繩也。玉篇云。機欄一名蒲葵。
今南方草木狀云。蒲葵如并欄。而柔薄。可為簾笠。出

龍川是蒲葵與椶樹各物也謝安之蒲葵扇今江蘇所
謂芭蕉扇也椶葉縷析不似蒲葵葉成片可為筌與
扇

十三之八瘞接麥李也爾雅瘞接慮李注今之麥李按邵
氏正義謂休為無實李瘞為接慮李是以接慮為李名
此與瘞字連讀接字从木不从手與邵異

按此條邢疏最晰瘞接二字自是舊讀毛氏刻爾雅疏陳
氏刻初學記瘞皆作座以釋文證之當从𠂔作瘞初學

記今之麥孰李。此邢疏與麥同孰之所本。郭注當奪孰字。說文斤部。瘞。小腫也。木部。接。續木也。段云。栽華植果者。以彼枝接此樹。而華果同彼樹矣。接之言接也。瘞接之名。其以此歟。今觀華果接處。皆小擁腫。慮李者。力部。勸助也。蓋助長義。勸省則慮也。瘞接。慮李。經注皆無小義。唯陶隱居云。京口有麥李。麥秀時孰小而肥甜。是說小也。如是小義。王砮注素問鬱乃瘞云。瘞謂色赤臍憤。內蘊血膿。形小而大如酸棗。今江南秋李熟時。恒似膿。

血之內蘊意麥李實小熟時亦作此狀蓋王砵以棗譬疾
爾雅則以疾譬李也云棲者座乃陽氣內鬱所為夏時尤
多此李熟後也紀時

十三之八守宮槐也爾雅釋木守宮槐晝聶宵炕注槐葉
晝日聶合而夜炕布者名為守宮槐

按邵氏正義云初學記引孫炎云聶合也齊民要術
引孫炎云炕張也釋文引樊光本作抗亦張布之義郭注
義本孫炎釋文又引顧野王云炕張也亦本於孫炎也或

欲坳會於今之合昏以為晝開宵合疑郭氏為誤解今考
太平御覽引晉儒林祭酒杜行齊說在朗陵縣南有一
樹似槐葉晝聚合相著夜則舒布而守宮也江東有樹
與此相反是則守宮之槐晝合宵張古人得諸目驗不得
坳會為合昏也

十四之三三十蒲錯促織也 樗雞莎雞也

賦


按詩蟋蟀傳云蟋蟀蝥也疏引郭璞曰今趨織陸機云
蟋蟀似蝗而小正黑有光澤如漆有角翅幽州人謂

之趨織七月莎雞疏引釋蟲云韓天雞樊光云謂小蟲
黑身赤頭一名莎雞陸機曰莎雞如蝗而斑色毛翅數重
其翅正赤或謂之大雞六月中飛而振羽索索作聲州人謂
之蒲錯是促織與蒲錯異名埤雅亦以蟋蟀名促織莎
雞一名蒲錯兩條各析言之嚴華谷詩緝亦以為二物
惟朱子云一物隨時變化而異名則蒲錯或可以促織為
訓今駢推祇促織條列蒲錯後更別出莎雞條則又以
蒲錯莎雞分而為二不可曉其所自

十四之四寒蜚蜚也 爾雅釋蟲蜺寒蜺注寒蜚也似蟬而小
青赤按蜚字有數解陸機詩疏謂蟋蟀一名蜚方言十一注
謂蚰蜒江東又呼蜚淮南子本經刊飛蜚滿野注蜚蟬
蟻蟻之屬也一曰蝗也沈州謂之騰說文解字士作秦謂
蟬蛻曰蜚此解寒蜚當從說文及淮南母高氏注作蟬屬
解為是然文家用秋蜚及寒蜚字皆指促織言以蜚為
蟬轉有訝為不類者矣

按此引淮南子是用莊達言本史記周本紀蜚鴻滿野

索隱引高誘曰蜚鴻蠖蠓也言飛蟲散滿田野故為失
非是鴻雁也又引隨巢子作飛拾飛拾蟲也似司馬所據
之淮南作蜚鴻不作蜚也沈州謂之騰下高注云騰讀近殆
緩氣言云蜚讀詩小琪之琪漢音如此故方言十一注蜚音
鞞郭意與高讀同切韻音渠容切非古也說文蝻蟲也
蝻也下段引毛傳蟋蟀蝻也云許書無蝻字今人段蜚為
之蓋蜚是獸名秦謂蟬蛻亦曰蜚耳又風土記云七月蟋
蟀鳴於朝寒蜚鳴於夕注蟋蟀朝蟬寒蜚夜蟬則

蜚是惡帥寒蜚是蟬鬱儀以寒蜚為蜚疑別有本。
今本淮南高注亦祇云蜚蟬之屬不定謂寒蜚也蜚从
玨玨在瓦部篆作持也讀若戟玨哀也居竦切凡
親覲覲玨皆从玨作九凡者誤

十四之七蜚蛸蟪蛸也神農本草經上桑蜚蛸一名蝮
肭廣雅釋蟲疏證蝮與食同食肭蝮蛸別名非蟪蛸也
蜚音裨又婢貽反

按訓纂引孫氏問經堂本草作蝮从食虫引王氏廣雅

疏證作蝕从食與一書之文不同今按說文蝕敗創也从
虫入食段注敗者毀也創者傷也毀壞之傷有蟲食之故
字从虫春秋經曰鼯鼠食郊牛角又曰日有食之字或作
蝕不从虫亦不从食此宜加按語以見工匠之多謬也

十四之十三鳳車大蛺蝶也古今注魚蟲第五蛺蝶一名野
蛾一名風蝶江東呼為撻末色白背青者是也其大如蝙蝠
者或黑色或青斑名爲鳳子一名鳳車一名鬼車生江
南柑橘園中

按說文𧈧𧈧也从虫夾聲兼叶切𧈧𧈧𧈧也从虫提聲徒
叶切徐鉉云今俗作蝶非是然則𧈧即蝶字此𧈧蝶定是𧈧
蝶之譌否則重文費解也原引古今注正自不悞

十四至十四𧈧𧈧𧈧衍入耳也爾雅釋蟲𧈧𧈧衍入耳注𧈧𧈧釋
文𧈧以忍反衍以善反本又作𧈧疏方言云𧈧𧈧自關而東謂
之𧈧𧈧原注由延二音按今本方言作𧈧𧈧𧈧不作𧈧𧈧

按鄭注攷工云卻行演衍之屬釋文引爾雅字皆作衍按
勘記𧈧衍入耳閩監本同毛本依今本爾雅改𧈧𧈧非釋

文引爾雅亦作𧈧从虫者俗字則鬱儀所據者監本周禮
字不作𧈧也𧈧衍郭注蚰蜒邢疏此蟲黃色而細長呼為
吐古攷工釋文以為此蟲能兩頭行引劉氏云或作𧈧引衍
音延今曲蟻也按方言蚰蜒趙魏之間或謂蚰𧈧則郭說
是蚰𧈧多足今猶謂之蚰蜒百足邢疏謂黃色而細長則
是以為吐古則非吐古無足溼生能上虹蚓化為水與蚰𧈧
不協曲蟻即蚯𧈧今江東人呼寒蟻劉氏以為演衍者
說文蟻篆重文作𧈧則𧈧衍亦可作𧈧衍云衍引者倒文

而誤也。蚘、蚘、吐古、虹、蚘、三蟲皆能卻行，故諸家各有所說。蚘，蜚蠊行，行引皆雙聲，形似之，且言耳。

十四、十五、蜚、蜚、號、蜚、蛇、醫、也、大、而、能、鳴、曰、蛤、解、江、東、謂、之、蛤、
蛇、汝、穎、謂、之、蛤、鰓、毛、詩、草、木、鳥、獸、蟲、魚、疏、胡、為、虺、蜴、虺、
蜴、一、名、蟾、蜥、水、蜴、也、或、謂、之、號、蜚、或、謂、之、蛟、醫、如、蜥、蜴、青、綠、
色、大、如、指、形、狀、可、惡、蜚、以、醉、力、軌、二、切、方、言、八、蛤、解、注、似、蛟、
醫、而、短、身、有、鱗、采、江、東、人、呼、為、蛤、蚘、音、頤、頤、汝、穎、人、直、
名、為、蛤、解、音、懈、候、聲、也、疏、澄、注、內、蛤、蚘、音、頤、頤、各、本、訛、

作蛤音頭額永樂大典本作音頭額廣韻蛤額同音
其額字注云額額有今據以訂正又直名為蛤解音懈
各本讹作直名為蛤歡音解從曹毅之本按此尚沿舊本
作蚌解本讹此又讹鵲字書無鵲字蚌音元

按號雖字誤蛤蚧蛤鵲音與字俱不誤說文虫部雖如
母猴印鼻長尾从虫佳聲與蟻蠓蚘蛭蟹爲類皆是
獸名雖虺蜥蜴蚘蛭六篆爲類皆蟲說蜥易也雖篆下
云似蜥易而大从虫唯聲息遺切此引蟲魚疏虺蜥一名

蟪蛄水蜩也。或謂之號蜺。則是蜺誤奪口。當作號蜺。詁
下云。以注鳴者。詩曰。胡為虺蜺。許於蜺不云鳴。虺則云鳴。陸
璣蓋謂蜺之能鳴。是謂虺蜺。故曰號蜺。蜺今詩作易。許引
詩作蜺。據釋文。星歷反。即蜺字。蜺。篆下云。榮蜺。蛇醫
以注鳴者。从虫元聲。段注。榮蜺。或單評蜺。引史記龍鵠
化為元蜺。以入王後宮。此引方言。本改蛤蜺為蛤蜺。恐仍
當作蜺。各本方言注云。蛤蜺音頭。頭者。蓋單注蛤字音。
頭。頭之。頭不注蜺字音。以本節上蟪蛄句已云元音。意

謂蜺即蜺人自會耳。頤胡感反。蜺愚袁反。方言頤頤頤也。廣雅頤動也。左傳襄公二十六年頤之而已。杜注謂搖其頭。蜺善鳴。以此注音。殆兼形象。方言又云南楚謂之頤。秦晉謂之頤。說文頤頤二篆。孫愐皆音胡。感朱翺皆音侯。坎是竝舉之。為同音。若依舊注作頭頤則音不慮重。蓋蜺雙聲。郭注非祇廣韻頤頤與此不涉。然胡感侯坎亦僅得其半。篇韻頤字皆作公答。與蜺同組。今郭注方言云蜺。翺準翺為聲。孫音丁活。朱音誅。翺是蜺。翺

又疊韻與雙聲戴疏又得其半也蚺字唯方書有之云雄
鳴蛤雌鳴蚺則蛤蚺作侯坎愚袁胡感愚袁者是雄
蛤鵲作誅蚺公答丁活公答者是雌雄奔而雌多知蛤有
二音愈以知古人名物之精矣盧刻改汝潁謂之蛤鵲竟
為蛤解意據郭注訂正而不知鵲字之誤也附按許書
虺蚺二篆皆云注鳴與攷工鄭注作胃鳴者異義

虫之十六黿黿龜螭龜螭蟄也說文解字第主黿黿龜詹諸
也詩曰得此黿黿龜言其行黿黿黿从龜黿聲式支切黿七狄

切又蚘去龜詹諸以脰鳴者从虫刺聲居六切。龜七宿切

按廣韻侷促短小渠玉七玉二切趨趨體不伸也渠六所六

二切蝦蟇之稱蚘龜

渠竹七宿二切

蓋亦象形而受斯名也說文

蚘龜詹諸下段注龜部曰龜爾龜詹諸也其鳴詹諸其皮

去龜龜其行爾龜爾龜此則又名蚘龜釋魚作龜龜詹諸龜龜

即蚘龜一語之轉龜部龜去龜詹諸也下段云一物四名曰蚘

龜曰去龜曰詹諸曰龜龜其鳴詹諸下段云蝦蟇能作

呬呬聲蟾諸不能作聲詹諸象其蹇吃云音此言所以名

詹諸也其皮龜去龜下段云龜去龜猶處也其身大背黑多瘕
石砥此言所以名蝻龜去龜也蝻之義蓋取於拳局其行去
下段云去去舉足不能前之貌蟾蜍不能跳菌去園上椎鈍
非銳物也故以狀其行此言所以名去龜也从龜去去亦聲又
蝻篆為龜云重文許云龜或从商證諸此條則蝻與偶促
趨趨音義可思而釋魚之龜从去云龜
趨音去秋字當从夫不从去蝻即
龜字同音七宿而以蝻切七狄與爾雅之从去下龜釋文音
去秋者皆非許義也又段書於蝻下引龜部去龜爾龜當

作夫龜部有龜無龜其行爾龜當作夫龜

十四之十六螻蛄蟪蛄蟪也按鄭注以螻蛄為蛙釋文引蔡氏說以螻為螻蛄蟪為蛙分而為二考月令七十二候無一候兼言兩物絕不同類者此說前人固已駁之至邱光庭兼明書辨蛙與蟪蟪形狀之不同謂螻蛄非蟪蛄良是文不備載此尚沿

孔疏之

按鼃與蝦蟇以秋官蝈氏為最古。鄭曰：農云蝈讀為蟻蟻蝦蟇也。月令曰：螻蝈鳴，故曰掌去鼃。鼃，鼃也。鼃，蝦蟇屬。書或為掌去蝦蟇。元謂：今御所食蛙也。字从虫蝈聲也。蟻乃短狐與。又云：齊魯之間謂鼃為蝈。鼃，耿鼃也。蝈與耿鼃尤怒鳴，為聒人耳，故去之。是先鄭以鼃鼃蝦蟇為一物。後鄭謂蝈為鼃，鼃為耿鼃，不言蝦蟇。說文蝈部：蝈，鼃也。也。鼃，蝦蟇屬，似同先鄭，然有不同者。許意鼃鼃為一物，鼃又自為一物。蓋許之鼃鼃即後鄭之耿鼃。鼃古音圭，與耿雙聲。

故得為一字此亦段說今駢雅以蝦蟇與下節鼃別為二條以螻蛄為蝦蟇是用先鄭以耿龜為鼃是用後鄭兼明書云蛙形小而長色青而皮光春夏居水邊相對而鳴者也蝦蟇形潤而短色黃而皮如砂鞭之汁出如乳醫方用之治甘蟲狗毒是今悉言蝦蟇者誤也

十四之十九餘貶餘泉文貝也爾雅釋魚餘貶黃白文注以黃為質白為文點貶直其反音也又餘泉白黃文注以白為質黃為文點今紫貝以紫為質黑為文點釋文泉如字本或作螻

按說文貝海介蟲也居陸名蚨在水名蜎象形古者貨貝而寶龜周而有泉至秦廢貝行錢許云名大蚨釋魚作鰕云象形象其背穹隆而腹下岐也菁菁者莪箋云古者貨貝五貝為朋疏云五貝者漢書食貨志以為大貝牡貝文貝小貝不成貝為五也言為朋者謂小貝以上四種各一貝為朋而不成者不為朋鄭因經廣解之言有五種之貝貝中以相與為朋非總五貝為一朋也故志曰大貝四寸八分以上直錢二百一十文二貝為朋牡貝三寸六分以上直錢五十文二貝為朋文貝寸四

分以上直錢三十文二貝為朋小貝一寸二分以上直錢一十文二貝為朋
不成貝寸二分漏度不得為朋率枚直錢三文是也以志所
言王莽時事王莽多舉古事而行五貝故知古者貨貝
焉此言貝之用又埤雅云古者相貝有經其經曰朱仲受之
於琴高琴高乘魚浮于河海水產必究仲學仙於高而
得其法又獻珠於武帝去不知所之嚴助為會稽太守
仲又出遺助以徑尺之貝并致此文於助曰黃帝唐堯夏
禹三代之正瑞靈奇之秘寶其有次此者貝盈尺狀如赤

電黑雲謂之紫貝。素質紅黑謂之珠貝。青地綠文謂之綬
貝。黑文黃畫謂之霞貝。紫愈疾。珠明目。綬消氣障。霞服
蛆蟲。雖不能延齡增壽。其禦害一也。復有下此者。腐啄蟬脊
以逐溫去水。無奇功。貝大者如輪。文王請大秦貝徑半尋。
穆王得其殼。縣於昭觀。秦穆公以遺燕。龜可以明目。遠
察。宜玉宜金。南海貝如珠。磔白駸。其性寒。其味甘。止水毒。
浮貝使人寡。無以近婦人。黑白各半是也。濯貝使人善驚。
無以親童子。黃唇點齒有赤駸是也。雖貝使人病瘧。

黑鼻無皮是也。鰓貝使胎消，勿以示孕婦，赤帶通脊是也。
惠貝使人善忘，勿以近人，赤熾內殼赤絡是也。鬻貝使童子
愚，女人淫有青脣赤鼻是也。碧貝使童子盜，脊上有縷
句脣是也。雨則重，霽則輕。委貝使人志強，夜行伏迷。魍狼
豹百獸，赤中圓是也。雨則輕，霽則重。然則爾雅大者魴，小
者魮，餘則黃白文，餘泉白黃文。烟大而險，魮小而脣，亦其
略也。此足以廣貝之名，因竝錄之。

十四之字。螳蟴，跌踢土龜，龜也。爾雅釋蟲，王蚨，踢注即螳。

蟪似蠶龜在穴中有蓋今河北人呼蛛蟪正義按今時北
方以蛛蟪為顛當蟪音室蟪音瑯蛛鐵迭二音蟪湯唐二
音酉陽雜俎卷十七顛當顛當牢守門蟪蟪冠女無處奔
母秦中兒童戲曰顛當顛當牢守門蟪蟪冠女無處奔
按邵氏正義引劉崇遠金華子云長安閭里中小兒常以纖
草刺地穴間共邀勝負以手撫地曰顛當出來既見草動則
鉤出赤色小蟲形似蜘蛛江東小兒謂之鉤駱馳其蟲背
有若駱峯然也明經劉寡辭曰此爾雅所謂王蛛

蜴也。今時北方以蜴蜴爲顛當小兒以纖草刺地穴略如崇
達所言。又按說文蜴青蜴水蟲可以還錢。从虫夫聲。段氏注
云其事見鬼谷子淮南萬畢術搜神記陳藏器本草
拾遺未知今尚有此物否。鬼谷子曰若蜴母之從其子也出
無間。入無朕。獨往獨來。莫之能止。此謂青蜴之還錢與萬
畢搜神所說正合也。而陶隱居以螳螂在穴中釋之。此由誤
仍蜴爲蜴。遂以爾雅王蜴蜴爲注。酉陽雜俎亦云鬼谷子
謂之蜴母。郢書燕說博學者九難免矣。此辨甚晰。

十四之三十一龜鼈水族也 文選吳都賦鼈鼈鯖鱗劉涓子注鼈鼈龜屬也其形如笠四足縵胡無指其甲有黑珠文采如瑇瑁可以飾物

按周禮鼈人司農注云五物謂有甲蒯胡龜鼈之屬釋文蒯莫干反淮南時則訓孟冬其蟲介高誘注介甲也象冬閉固皮漫胡也說文蒯从艸从𠂔平也讀若蠻廣韻無穿孔狀以上諸義皆言甲此鼈鼈注云四足別甲言之又字作縵胡與蒯胡別或欲引以相正無庸也昨於觀

說條及此注縵胡謂是下垂義寔不作蒟胡解

十五之三鷓鴣尸鳩也方言八爲鳩燕之東北朝鮮洌水之間
謂之鷓鴣鴉福丕兩音廣雅疏證云與鴉同不尤反

按爲鳩漢魏叢書本方言正作尸鳩是駢雅所據與廣
雅亦合戴疏訂作鳥是據釋文福丕兩音雙注鷓鴣
訓養奪一鷓字則似兩音皆爲鴉注此宜補鴉當作鴉
王說最得詳後鴉鴉條近之刻爾雅圖者鴉鴉鴉字亦鴉
作鴉宜並正之

十五之三鵠鵠鵠佳也爾雅釋鳥佳其鵠鵠注今鵠
鵠鵠甫無切音膚又音扶



按爾雅釋文鵠本亦作夫字林甫方反鵠本亦作不方浮方
九二反又詩四牡釋文鵠本又作佳是鵠鵠本作夫不佳本
作鵠釋鳥邢疏引舍人曰鵠亦名鵠鵠鳥四牡毛傳鵠夫
不也鳥夫不據詩興左傳昭公十七年兩疏俱引捷為
注與邢引合皆云佳不云其唯詩疏作鵠一名其夫不以
之字成文然毛與捷為又云夫不不云其是未能斷陸璣以

佳其讀則待疏是傳刻之謬蓋其是語辭若鶩斯之類
耳杜注左傳祝鵠鵠鵠也鵠鵠孝故為司徒使教民疏引毛
傳云鵠夫不釋文作鵠鵠云音佳本又作佳本或作鵠子
遺反或子堯反今據說文鵠祝鵠也重文作佳云佳或
从佳一然則釋鳥經文四牡釋文之佳字與此左傳之鵠字
皆是謬誤佳謬作佳下奪一也佳又謬作焦下一謬作以也
鵠之謬作鵠左右互易也鵠之謬又作鵠亦佳下之一謬作
以也此展轉承謬之故惜元朗不能根許書以定之而遽

以子堯注音。意以古音雙聲轉讀。焦在火部。為隹之
省。文隹在隹部。為隹之孳。和母同音異。故得作此。子堯
讀也。然隹之與焦。隹之與焦。究是異文。初固無容相假。而
近人治方言者。亦以偽刻之鶴為正。亦是不涉許書也。蓋隹
與佳別。隹部不從一。是鳥短尾之總名。此从一之隹。則是視鳩
字與隹同。隹隹俱直追切。而徐楚金又欲混此从鳥之
隹為隹部之隹。語見隹部首篆下。則是忘此从一之隹不得
為隹部之隹矣。且欲於鳥總名之上。闌一亦字。以員成已說。

有矜色焉抑又失之又經典多有隼字从隼下十詩采芑
爾雅釋鳥兩疏皆引說文曰隼鷖鳥也此篆今不見許書
宜舊在隹部以鷹隼醜例之當列雕篆之後鷹篆之前
彼自思允切此鳥部从一之隼篆下有一曰鷖字四文當次
隼鷖鳥也下蓋隼之篆說俱亡餘此四字散見於徵引不
全之本理董者以从一之隼為即隼字遂以增麗隼下二
徐不謦欲於隼下注思允一切聳尹一反既知隼為重文遂
以思允聳尹注繫隼下使波長本自清晰之書晦昧千載

從來談小學者亦遂癡結而不可解。凡篆有偏旁作隹
字者皆縮手違心而盡作隹篆。如水部準字毛部隼
字曾無一人敢於隹下作十字者。藉非孔邛孰咎其非哉。
鵠當依鼎臣作鵠。許云鵠也作鵠者用四月匪鵠。毛傳鵠也字當作子。楚
金於隹篆下云執之也。亦是鵠鳥也。之謠字錯簡宜竟其之。
作隹篆云鵠鳥也。从隹凡省聲。一曰鵠子歸隸隹部而還
職迫切於鳥部。隹下移思允。隹尹於隹部。隹下如此則文
字相貫。而許書可復其舊。段於此法大費參稽。究無歸。

情惜不得以此語質之。或可援手部揅字據經疏所引亦補此
篆也。廣雅釋鳥。隹鷁也。此隹亦當从隹。下十作隹字。蓋亦以
从一。隹而為鷁。則隹之別體。鳥移而右。文加於鳥耳。隹度官方切。隹也。
問見刻元應書者。竟作雛鷁也。夫雛則安有鷁義。如曰雛
屬之鷁。讀常倫。切。又安有雛之可以訓鷁者。是又輕改古書。
使從事者墮入五里霧中。然度官之鷁。誤為常倫之鷁。亦
不自近日始。駢雅以白唐與早秋。並訓鷁也。則鷁儀亦未之深
思也。雛名夫不者。說文夫篆作。許云从大。一不篆作。許云

鳥飛上翔不下來必以一猶天也段注謂不象鳥飛去而見其
翅尾形則夫不名義當亦象形亦是見其首猶大不則唯
見翅尾漸小故邢疏引陸璣云小鳩也是鳥之輕而上飛者故
詩云載飛載下廣雅釋鳥以戴勝為鵲鳩此別一鳥鵲鳩雙
聲之轉即為疊韻是亦以夫不為義蓋其飛至高至三月而
蟄事將興天氣至此亦下降愈甚此鳥遂因天之氣不復高
飛故云降于桑猶云降于桑之時寔紀時語此以知鄭注月
令重之若自天來蓋是重蟄較勝於高注呂覽是月其子彊

飛從桑乳來下之說也夫不雙聲疊韻釋鳥以冠篇首亦兼以總領
鳥屬以鳥飛上翔故領之猶說文以飛先乞不至西諸部耳埤雅

云夫不壹宿壹宿婦之正也
夫或不然語鄙衰不倫也

十五之六鷦鷯鳥鳴鷽鷽雀桃蟲也爾雅釋鳥桃蟲鷽其雌文注
鷽鷽桃雀也又鷽鷽鳴鷽注鷽類方言八桑飛自關而東謂
之工爵或謂之過宮或謂之女匠自關而東謂之鳴鷽自關而
西謂之桑飛或謂之懷爵注即鷽鷽也又名鷽鷽

按廣雅鷽鷽鳴鷽並為一物說文鷽鷽鳴鷽也鷽鷽桃蟲

也。件與釋鳥竝毛詩陸疏皆合。則說為有根矣。方言則桑飛
即鳴鳩。郭注謂即鷦鷯。又名鷽鷽。似與廣雅合。而鷽字又
不甚愜。又可疑者。數語之間。重出自關而東四字。當有關誤也。
憺雀即鷽雀。以鷽鷽陸疏知之。謂其喙尖如錐。取茅莠為巢。
以麻紩之。如刺鷽然。方言从心。與疏異字。郭注言憺截也。亦與
陸訓為異也。郭義以憺截為小耳。截在戈部。別訓斷也。而說文注
以方言之杪小也。廣韻鷽之小也。改髮部。截下束髮少也。為束髮之
小也。謂郭之憺截即鷽之不知也。在小部自訓少也。與上篆少不多

也。牝牡相生，自不容改。則𦏧截下宜仍舊作少，而以少為小義。
者，自在方言。廣韻又鳥部有鶴篆，許不云。小篇韻皆云小。
雞，𧈧部有𧈧篆，許云小蟬，𧈧也是截之為小。即許書
自有可徵。言𦏧截亦不煩改，少以證截也。𦏧在韋部，足衣也。
此即麻紱刺𦏧之義，而方言疏證以𦏧雀為𦏧，𦏧燕字異。
音義同。是其立說顯與陸璣為異。三文具在許書，寔未云
同。唯釋名𦏧有末也一訓，然說𦏧在腳末，是對本而言，非微
末之指也。竊意皆部之燕，本訓旁目無精也，無精則不

見物蓋截言小。幾則言其難見。

木細枝謂之幾亦此意

字宜作幾

郭从心者心部懷輕易也。合截言則但言輕小。是郭注懷

截之意也。知少少為牝牡相生者。楚金以少下之。音天也。

下之入音拂。入拂為也。

江陰按勘記謂拂為當作拂象

是準。部立義。

部首篆。右戾也。尾篆。左戾。从反。讀與弗同。蓋。

交之則為。艾字。不交則為弗。八即右戾左戾之形也。今少

少二篆隸小部。小下云。从八。見而八分之。蓋分則宜均。少作

右戾而左引則左多而右不多也。少作左戾而右引則右

多而左又少也故字義為牝牡相生而少篆必不容作小
字解許之意惛然也方言少杪小也不得與許書為證者
楊以少杪竝舉意以少从小入聲入是甲乙之乙為春初
木冤曲而輒輒以出之小則出而甲坼之象杪在方言卷二與
莠竝列云凡草生而初達謂之莠木細枝謂之杪蓋少杪二
字一言根莖一言梢末皆以植物言故不得云少而直云小也知此
而兩家之同異可答故治許書者徃徃不容以他書證此一
端矣附按莖在首部字从艸从目許讀若末故部領三

文篇蔑災皆以省為聲。許於災下云省亦聲。意至明也。孫愐以省切徒結。則不用漢讀。遂顯背許聲。蓋唐韻之不可入說文也。又其一端。

十五之鴝鵒也。廣雅釋鳥。鴝鵒。鵒也。疏證鄭注大射儀引淮南子曰。鴝鵒知來。今淮南記論訓作乾。云乾鵒知來。而不知往。高誘注云。乾鵒。鵒也。鴝與雅同。鵒與鵒同。鴝雅竝音苦汗反。

按鵒字許書無之。鳥部篆本作。誰心象形。重文作。

雛云篆文爲从佳咎則廣雅所用雛字是也此據淮南作鴝
鵒鵒字與鳥部之鵒訓鴻鵒音義俱殊此雛與釋鳥
鸞山鵒亦異許書鸞雛鸞匡山鵒匡知來事鳥也段注
云淮南書乾鵒知來而不知往高曰乾鵒雛也人將有來事
憂喜之徵則鳴此知來也知歲多風卑巢於木枝人
皆探其卵故曰不知往也乾讀如乾燥之乾鵒讀如告退
之告太平御覽引乾鵒知來而不知往此修短之分也注乾
鵒鵒也見人有吉事之徵則修修然凶事之徵則鳴啼而

知來歲多風則巢於下枝而童子乃探其卵而不知各有
所能故曰修短之分也此正文作乾鵲與高本作乾鵲異
注亦小異必是許注玉裁謂釋鳥鶯山鵲未嘗云輶鶯
也高許注淮南皆曰鵲也未嘗云山鵲也廣雅亦云鴝鵒鵒
也不云山鵲然則釋鳥鶯山鵲為一物說文當云輶鶯鵒
也為一物今本山字後人依爾雅增之避太歲知來歲風知人
憂喜知行人將至此正今之喜鵲其性好晴故曰乾鵲輶
乾雅同鶯鵒同以上皆段說意以知來事是鵲非山鵲也又邵

氏釋鳥正義亦云鵲爲乾鵲山鵲爲鵲之類又云乾鵲大如
鴉而長尾銳喙黑爪綠背白腹山鵲則似鵲而有文采喙
與足俱赤尾長不能遠飛山中人謠云朝鸞叫晴暮
鸞叫雨故說文以爲知來事鳥斯又以淮南之乾鵲是
今之喜鵲爾雅之山鵲即說文之山鵲則許書不煩芟字
而義亦安唯說知來事不及段之暢足耳廣雅疏證引大
射儀鄭注者按參見鵲於干注云或曰鵲鳥名射之難
中中之爲俊是以所射於侯取名也淮南子曰鴉鵲知來段於

許書鵯篆鵯專畱躁如鵯短尾射之銜矢射人下舉大
射儀注引淮南鵯鵯謂鵯鵯非小而難中之鳥也引爾雅
鵯鵯鵯鵯郭注云又名鵯鵯又引釋文鵯鵯古以為鵯鵯
字言此鳥捷勁雖羿之善射亦懈情不敢射也又引鄭注
周禮設其鵯云謂之鵯者取名於鵯鵯小鳥而難中當是
鵯專鵯雅音近鵯許韋鵯此鳥狀如鵯故亦謂之鵯鵯此
說似創而近理因竝錄之

十五之十二鷗鷗鳥鷗也爾雅釋鳥鷗鷗注即鷗鷗也鷗

頭曲如鉤食魚釋文鷺慈字林云似鷓而黑鷺郭彭醫羽
二音字林英菴反鷺音盧

按後漢書馬融傳上鷓鴣鷓鴣注引楊孚異物志云能
沒於深水取魚而食之不生卵而孕雛於池澤間既胎而又
吐生多者生八九少者生五六相連而出若絲緒焉水鳥而巢
高樹之上鷓鴣一切經音義五鷓鴣作鷓說文作鷓鷓李時
珍謂盧與慈皆黑也此鳥色深黑故名近唯段氏云鷓者
謂其色黑鷓者謂其吐生相連而出若絲緒也是從楊

說得玄抑亦以蔡生爲義說在牛部茲下鼎臣用孫恤
子之切段引左傳哀公八年何故使吾水茲釋文定音玄
蓋玄部之茲从二茲與州部之茲从絲省聲者異故廣韻七
之作滋一先作茲音各不同也鳥部之鵠以茲爲聲茲字宜
从州从止者誤。

十五之十六鬼車九頭鳥也經史證類大全本草禽部下品
鬼車亦名九頭鳥

按李石續博物志郝氏夜祠佛鬼車乘燭光而下翼廣

丈餘九首互相低昂其家評犬持杖逐之墜一羽長三尺許
廣八九寸色類鵝鴈又宋歐陽修有鬼車七古詩不具錄
十六之六郭牝無角牛也 集韻平聲三博雅郭牝牛屬
一曰牛無角也或作牝牝牝按今本廣雅牝作牝王氏疏證
以牝為牝字之謄訂作牝字音鳩亦不作牛無角解此从集
韻說牝即犁音苦禾切

按淮南子說山川既牝以牝法牝無角牝無尾是集韻
所據之廣雅作牝者與淮南合也故云一曰牛無角鬱儀用

之耳。

十六之十五周穆王之八駿也。穆天子傳卷一丙寅天子屬官效器乃命正公郊父受勅憲用申八駿之乘以飲於枝詩之中。

按郭注水歧成詩詩小渚也。說文詩水暫益且止未減也。段

云與待侍峙字義相近。爾雅釋水亦借為沚字。直里切。

十六之十六皮樹人面獸也。儀禮鄉射禮第五君國中射則皮樹中注皮樹獸名。今文皮樹繁豎。按阮氏校勘記豎一作豎。又繁豎上有為字。吳氏建華儀禮章句繁豎豎。

作繫筮又引張謐圖皮樹人面獸形見學海堂經解二百七十五又通雅四十六動物類曰皮樹似驢

按皮樹中見鄉射禮圖見聶氏書禮投壺司射奉中使

人執壺孔疏云中是受算之器投壺亦射之類故司射於

西階上奉中北面也其中之形刻木為之狀如兕鹿而伏背上

立圓圈以盛算

聶云鑿金背亦本鄉射禮

孔舉兕中鹿為言此中則

作皮樹狀也又司射執算法算如數射算聶氏引舊

圖云算長尺二寸以實於中鄉射記算長尺有握握

四指也一指一寸是尺四寸也又鄉射記筭等八法箭
一條也筭筭也賈云箭一條也者謂以箭為筭

十六之三活禱地如鼠庶物異名疏獸部唐書波斯伊
嗣侯遣使獻活禱地形類鼠而色青身長八九寸能入鼠穴
取鼠又通雅四十六動物類唐書波斯伊嗣侯遣使獻活
禱地形類鼠青色長八九寸能入鼠穴取鼠物類志曰禱地
按此作禱與駢雅及異名疏作禱稍異而作地則同今考
新唐書二百二十一西域波斯傳舊唐書一百九十八西戎

波斯傳通考三百三十九四裔考十六載波斯於貞觀十二年遣使朝貢事竝作活耨蛇不作地亦不作耨附錄備考

按事見通典一百九十三波斯大唐貞觀二十一年其國屬獻理耨蛇形類鼠而色青身長八九寸能入穴取鼠則活耨地又作理耨蛇耨从来不以衣理不作活也與通考兩唐書作十二年者亦異君卿以唐人紀唐事書在正史之前宜覈矣此據永樂嘉靖兩明刻